


T 5796/81436(5)

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
JUN 30 1953



東海半人詩鈔卷上

近體詩三

和晉山先生胡觀湖之作

海寧鍾大源贈初



春朝見說嘉音胸裏近城隍  
念欲衝雲裂雲海成兩  
不更飛銀練作寸畫之  
泗水合應盡守於越山  
低不輝峰故蕭新圖如  
續論可能幻化數重乳

向陳君不在此代家

此本原句不容花遊娛日何事  
有一此為也閉門

東海半人詩鈔卷七

近體詩三

和潛山先生朝觀潮之作

海寧鍾大源 晴初



春潮見說豁奇胸勢近城隄怒欲衝忽裂雲濤成兩  
界更飛銀練作千重之江水合應流字於越山低  
不辨峰燕肅新圖如續繪可能幻化擬魚龍

向陳愚泉乞花代柬

比來無句不吟花妍娛日何曾有一些為乞閉門

陳正字。今將春色到鄰家。

柳

嬈娜復芊絲青。影接連風輕。垂手舞雨重。折腰  
眠灞岸。濛濛絮。隋堤漠漠。烟芳時凝望。處張緒似  
當年

題陳莊村浪遊集

笑爾遊囊物。惟餘句不磨。湖山增逸氣。燕趙足狂歌。客緒看  
花減。歸情立月多。嚴詩編杜集。相賞果誰何。

讀武侯傳

羽扇綸巾信軼羣。指揮莫惜瘁。忠勤功高足奪黃。初歷謀遠  
先傳赤壁軍。一夕星芒沈五丈。千秋炎祚失三分。空令魚水  
思前契。青史蒼涼誦表文。

再題麻姑圖

阿經骨相似能仙。笑迂雲輶碧海邊。共餘<sup>飲</sup>杭一酒囊。風流無  
賴又千年。

山茶次韻

千朵院羅錦一叢移來佳種洱河東鶴頭犀角看逾好可要  
徐熙畫海紅

海棠和俞潛山先生元韻

移來得樊亭種休輕認野棠貯宜金作屋看訝錦成坊婀娜  
風前態空濛霧裏香自慚非妙手難補少陵章

欄干舞綵霞誰得比花仙乍足楊妃睡新披杏子紗紗  
有情邀醉客無意媚詩家絳蠟窗分照芳姿更可誇

疊韻

貼梗垂絲別佳名併是棠薔薇空上架楊柳漫搖坊此  
艷真殊艷無香即異香錦江千萬樹臨水見文章  
東風弄綺霞嫋々愛名花肥綠濃陳障纖紅薄綴  
紗休稱定惠院寧羨石崇家沒骨嬌無那徐郎妙  
染筆誇

雨

塘腰幕歷蘚深碧屋角鬚髣花淺紅春色宜晴亦  
宜雨儘教無不東風

閉門

閉門稀步履悠忽判閒身連雨朝疑暮酣眠午當晨  
絲添蛛網重泥補燕巢新半霽推窗坐風前一卷書作親字

安貧

分合安貧久不疑聊同衡泌樂棲遲疎狂南院寧能  
富諧諛東方本善飢百貧齋齋猶存祿料一牀書即  
是家資春花秋月無涯景更入詩毫端作小詩

晚春

眠餘枕綺琴庭院午沈沈一逗妥紅雨滿簾搖綠陰閒  
思來好客靜易辨鳴禽婪尾慵開晏青春任已深

晴窗書興

不望春霖止翻驚見霽光日暄乾粉花褪減蜂糧靚几抄  
書健明窗曬藥香體中漸無悶閒處偶尋忙

幽居題壁

晝長人靜掩柴門藥裏書籤雅趣存一派嬌音姊妹  
數竿翠竹新翁孫尋仙動說桃源境耽隱羣思栗

里村祇此幽居吾自足不勞相較漫評論

夜雨

衾擁餘寒夢未成蝦蟇不辨短長更吳天竟與蜀天似  
夜夜夜來聞雨聲

際曉淋浪勢縱收已教花片逐波流呼童併剪新葉蕉  
省得宵聽認作秋

清和

清和時節好差慰送春情碧樹藏宵雨紅薇艷午晴泥

乾巢燕睡池靜水蟲行麥孰蠶三幼田家樂更并

家兩大人攜幼妹赴鹿獲叔父署中敬呈四律并示

弟叔妹

愧不能營菽水資二人轉作異鄉直思緣棣萼多恩誼

豈與兒孫好別離曉挂片帆南去日晴催輕騎北行

時寸心願作依柳客路濃青到處隨

孰關冷暖更眠餐有妹相携解春奉歡逢際望漫

勞雲屢望簾前定憶雪同看涕傾別酒情愈摯久



把行衣語未闌香茗賦成煩寄與無修尺紙報平安說  
送遠從來易黯然庭闈乍陪隔倍拳、三千里共團  
樂夢十數人分去住緣鄉樹漸遙應惆恍雁行爭逐  
自踰躔謂署中兩弟樽前燭下論家况祇我清羸勝往年  
教誠頻煩錄別初為言有弟伴閒居蘇床酬答新詩  
成句鄴架披尋舊讀書作策量鹽還數米馳神戲  
綵更將車得歸俱願歸來早第一天倫樂有餘

寄懷蔣讓亭

時任河東閘官

病中懷友意難忘蔣詡曾同舊日狂花發蘇亭春  
縱棹月明滕閣夜飛觴一從踪跡睽南北各悵音  
書隔渺茫聞道今為監河吏可容貸粟學蒙莊

五月廿七夜大雨枕上作

散絲梅細雨旬日已瀟、忽訝三更勢如聞八月潮魚  
蝦應並落雷電欲羣騎農事村、急闕心乍種苗

烟管

訝與葭灰舊管同誰裁筠竹製瓏璫携持不厭千

回共呼吸還欣一氣通  
解助清談拋塵尾  
易成薄醉勝蓮筒  
已菘賦就重拈起  
人在輕雲細霧中

消暑

病夫長年不出戶  
畏暑益欲扁小齋  
槐陰不將烈日  
至荷氣忽與清風偕  
但欣手持一茗碗  
更嬾足曳雙棕鞋  
泉明語妙靜始悟  
葛懷以上真吾儕

和俞漱園表村秋事十六首

秋山

明淨無煩狀筆端  
閒宜拄頰對巒岼  
浮嵐盡掃一峯峙  
爽氣朝迎千嶂盤  
曲徑靜堆紅葉滿  
幽人遙隔碧雲寒  
叅軍落帽時將近  
蠟屐携壺試訪看

秋水

頗黎空濶絕纖塵  
合遇莊生結淨因  
四尺添人喚渡雨  
三行過雁來賓  
荻花倒影掙晴雪  
桂魂浮光碾濕銀  
一色長天詞最好  
玉為秀骨爾為

水神

秋雲

誰把輕雲羅試剪裁  
淡雲片、碧空縹  
晚涼更作魚鱗散  
曉霧霽常兼鶴羽高  
畫出遙山呈巖業  
半歸老樹失櫛椽  
無心竟日看舒卷  
隴首吟輸柳惲豪

秋月

等是蟾蜍夜吐光  
堪竒秋至倍尋常  
匡牀有客舒

清嘯虛幌何人倚  
晚粧淚眼輝  
流銀漢外  
真身寒到玉壺旁  
宵分滅燭頻  
深坐竹影縱橫  
桂蕊香

秋風

玉露零餘汗罷揮  
西風旋已透羅幃  
佳人冷落拋紈扇  
公子蒼涼攬葛衣  
怒挾濤聲宵益壯  
清傳鐸語晝偏微  
雌雄敢擬登臺賦  
賸對寒林葉葉飛

秋砧

聲隨纖手散空旻  
長夜紅閨遠思紛  
乍得涼飈傳斷續

更勞明月照殷勤。天孫念別，應同擣。旅客驚寒，定早聞。更行貼行衣寄迢遞，緘愁還合附迴文。

秋柳

長條欲折易成愁。疎雨含烟，一帶秋消瘦。有誰憐態度，嫵媚惟我念風流。不堪別思年，積願得佳時。久久留橫吹，天南翻舊譜，曲為煩冷雁寄江頭。

秋艸

重把江郎賦別篇。望中那復舊芊眠。堤荒馬踏蕭蕭影，池靜

蟲吟波，烟隨意。綠時空幾許。盡情黃處轉無邊。不須話到明妃塚，縱是青，益可憐。

秋蟬

遠嘒俄驚節候移。引商振羽動幽思。樹頭殘月落未落溪畔。晚吹復吹，潔性塵氛原不染。逸情蕭颯轉相宜。七條絃上秋聲共，更愛軒牕夢覺時。

秋燕

智禽渾解念。粉榆次社剛逢。輒別吾可奈。寒何拋舊壘。

不○如○歸○去○引○新○雛○夢○餘○嬾○誦○呢○喃○句○憶○處○空○開○躑○躑○圖  
剪○破○離○愁○憑○兩○尾○水○長○天○遠○去○模○糊

秋蝶

粉翅伶俜舊態非惜芳心事似爾應稀偶逢冷卉時深  
宿每怯共風忽倒飛傲吏夢魂寧寂寞滕王閣畫景  
却依微爭如草碧花紅候再試翩、五色衣

秋雁

紫塞南來路幾千懷陽應候每聯翩葦深十點落寒

渚○風○緊○一○繩○過○碧○天○結○陣○祇○疑○書○錦○字○傳○聲○更○比○促○箏○絃  
意而底事如相避各有心隨冷暖緣

秋枰

這暑曾將坐隱耽石枰秋掃興尤酣修筠庭院奩頻啓  
疎雨簾櫳譜細譜樂比橘史人祇兩看逢樵史客成三忘  
機莫問盈虛勢賭墅雖工事近貪

秋杵

莫作藝、漏鼓猜杵聲隱約帶寒來重闥人靜敲初徹曲

巷○厖○眠○過○幾○回○醉○聽○疎○砧○疑○五○峇○吟○燃○殘○燭○似○頻○催○端○憐○軟  
、霜侵處踏破猶遲曙色開

秋漁

烟波隨景樂浮生豈學羊裘客好名楓葉灘平孤艇  
繫蘆花水淺一竿橫綠蓑青笠禁風雨雪鷺銀濤鷗識  
性情網得鱸魚應不賣數聲疑乃晚江清

秋獵

彎弓小隊引元戎秋日營開校獵雄對卓畫龍旗捲日

雙抽射虎箭生風迷漫野色黃塵暗慘淡山容落木空今爾  
不容誇盡取帶禽歸趁夕陽紅

次人登岱元韻

岩堯晴翠接圓穹氣象居然壓華嵩萬片雲光生寫下  
一泓海水瀉杯中龍身松認大夫老鳥篆碑看丞丞相  
工登頓自歎嫌塵境小振衣長嘯答天風

春圃叔父靈樞南歸哭賦二首

歸田有願歎因循苦被微名絆此身聊比孟郊為邑尉

忽傳梅福作仙人鳳雛折翼情尤酷雁影分行痛自真  
料得同官誰贈麥友于相近解憐貧  
十六年前記別離竹林深處酒盈卮那期執手分張日  
即是傷心永訣時風雨魂來三晉遠淒涼意達九泉  
知素從積善占家運憑仗精靈默護持

立冬偶成

菊褪新黃葉染丹靜中冉、又秋殘病逢節候量增  
減詩為天公記暖寒晴取敗裘防雪早換將布幔護

風寬羸軀那得如蠶懶帖妥隨時幸不難

夜感二首

擁褐堆、坐銅荷墮頻一聲寒叫雁午夜夢回人漫有  
飛騰願仍安局縮身牀頭留濁酒爛醉益天真  
藥裏生涯在流光暗擲梭賤令奴婢侮貧幸弟兄和  
瘦骨山俱聳閒心水不波盧胡對吟影與爾共蹉跎

和松霽夫子咏物二首

燕窩

智鳥辭巢去，啣魚每作窩。蜚人偷達巧，海客恣餐多。  
味敵銀絲繪，形分玉井荷。沒腴饒至妙，肺病喜先瘥。

海參

瑤光毓神卉，海族乃同形。叢刺疑含甲，柔腸省去丁。炙  
炮非藥味，洗漉為魚腥。詩記梅村詠，誰添本草經。

閒居書懷八首即和潛山先生漫興元韻

自得躡跚疾，頻年卧草堂。半人甘比習，良藥漫求倉。  
兀傲名心減，安便睡味長。殘編時復把，一笑悟蒙莊。

琴聲古澗泉，百里晴嵐連。海畔萬條寒，玉拂雲邊重。登合爰  
佳名好吹帽，風流比晉賢。

新寒

連朝暄較甚，朔氣忽嚴凝。薄日淡於月，勁風寒欲冰。綈袍辭  
范叔，布被擁姜肱。暖具無多子，常拚類凍蠅。

哭輓曉崖叔父二首

驚心家運忽，中摧叔父燕。南惡耗來病，不人憐。歸恨晚，勇能  
自退命難回。同帆身後誰貽麥，冷甌生前舊有埃。我是銘恩



最深者竹林酌酒不勝哀

蕭然丹旆返天涯贏得廉聲遠近誇早歲文章榮却桂十年

政教壓潘花蓼莪倍切遺孤痛謂大二弟庚癸還為盡室嗟最

憶椿庭悲舉案那堪重哭脊令沙叔父之卒距先慈僅三月係家君經理歸喪

聞南廬有江南之行送之

清樽錄別不同酣聞說陽關疊已三哀柳寒鴉帆葉斷腸秋色在江南

一髮青山畫裏遙秦淮寒碧水迢々客衣吹綻西風裏誰與

狂歌問六朝

送雨軒叔父重之皖中時秋賦報罷

蠟花成燼話蟬聯長觸深宵對別筵寒雨離愁仍兩地秋風

驚夢又三年不堪行跡隨蓬轉須信生涯抵磨旋渺々吳波

帆一葉豈徒行客不成眠

九月廿九日距先慈見背一年矣

畢世瀾翻淚難酬慈母恩病身悲失恃異地痛歸魂先母卒於保定

公廨血染秋衣縫心摧舊綫痕啼鳥休繞樹返哺最慙論

閒來思舊事遊跡悵迢遙南浦雲連閣東湖水拍橋  
綠醅香艷畫燭影條那得易重歡集清狂似舊  
饒

竹貌詩恬淡

誰園先生  
舊号竹貌

曾聞鄙王淡溪技分牀上下舍接

壤東西青眼蒙先及芳名愧莫齊多公扶散質一例

荷褒題

拙詩曾蒙誰園先生獎借

名遂歸田久文瀾障有人

謂松霽  
夫子

著作書驅俗解馳問字

許嘉賓牕秀溪漁草樽開公瑾醇還勞示津筏巴

曲獻頻、

白也號吟仙風流數百年把公詩讀後笑彼品居前  
玉屑迴風舞珠光照乘旋豪情更疇匹不慕鳳池邊

潛山曾註太白集  
詩亦與之神似

親舍燕雲北家貧未易還書來千里道夢去萬重  
山靜對燈花爛燼閒看絲袖斑相依憐仲海別柳記同  
攀

異鄉多舊雨凝睇阻層峯空憶論心密仍踈執手重笑

敬  
蓉江上暮梅萼嶺頭冬采折如相寄應舒病客容歌

枕耽幽事人唾是拙謀綺琴安蜀軫緗帙借荊州卉木  
一庭老溪山四壁秋羸身乏怡悅大勝執鞭求

九日

雲低風緊雁行斜忽、重陽感峯歲華幾樹黃花一  
樽酒思親、必更思家。

秋感

黃葉擁荆扉寒飈透袷衣病容徒益瘦傲骨本難肥

高卧嬉遊簡長貧應接稀  
離心背秋雁祇傍北雲飛  
和黼堂弟嘉禾道中元韻

樵李城邊淼波景佳原不藉  
山多布帆幾點隨烟鳥  
繡塔三尖學鏡螺是處鳴榔  
真入畫誰家放鴨偶聞歌  
樓高更說宜登望烟雨迷漫  
果若何

夜醒偶成

窺牕斜月白懶復別長檠  
秋老樹疎影夜寒蟲細聲  
寂寥病况長觸是離情  
翻類杜陵去老難逢客睡成

憶吳興舊遊

清麗吳興景獨偏舊遊如夢  
每情牽段亭康外山橫黛  
柳暉洲前水漲烟夜月畫橈  
鸚鵡盞春風紅袖琵琶絃  
重邀我欲誰人羨最是樊川  
約十年

新寒

病客先知冷風發冷益增  
鷲毛釀深雪雞脚試初冰  
莫使鑪無燄爭禁被有稜  
行波一幅走筆曉凌兢

獨笑

獨笑無人會由來祇自知一貧拚到骨萬事肯低眉  
病豈不如健狂真足矇癡寸胸寬似海直欲渭南師

松霽夫子賜題近作謹次元韻

公是眉山繼飯山衡今推古不妨閉粗才漫爾登三  
席敢列秦晁四友間

冬夜

不知霜幾許峭冷逼中宵膚粟酒初醒目花燈更挑  
羣鳥移枝別樹一犬吠寒潮為問酣眠者疇諳景寂寥

無米

風雨蕭聊對曉寒盍無餘粟省朝餐自來嬾寫平原帖不為  
他人不耐看

病中遣興

鶴骨雞衣久自由嵇康著論漫悠悠生疎吟思黃楊閨夢寐  
年光碧水流雙足幸無塵塊債一心本乏稻梁謀開簾爛漫  
籬英吐細嗅寒香佐拍浮

題苦吟圖

曾說雕蟲技最微沈思何苦損膏圍請君再檢詩人籍幾個  
流傳是布衣

西抹東塗浪惹嘲閉門擁鼻費推敲醉人扶醉真堪笑勸爾  
寧知我未拋

余既題前圖友復以閣筆圖索題再題二首

踈雨微雲佚事傳君今閣筆豈同然一雙把酒撚鬚手爭與  
毛錐子謝緣

相期嗜好一齊刪恣意揮毫不放閒讀萬卷書吟萬首拚教

長抱孟家山

冬日漫興

安身一几一匡牀袖手看人分外忙意薄泉刀貧不悔事除  
筆墨懶何妨遨遊宗炳名山好歌嘯榮期樂境長思與梅花  
成澹對隔籬先問小黃香

笑學山中曷旦鳴不求五色羽毛成能償歲暮惟詩債易敵  
寒嚴是酒兵才不才間才自喜味無味處味從生閉門更補  
清閒課圈取新圖九九成

題華嶽圖

青蒼萬古滿秦關不信如椽力負山日月兩岩分吐納雲霞  
一氣互迴環仙人試手蓮花玉女攜盆明鏡間安得長風吹  
我去五千仞畔一躋攀

題松靄夫子岑溪三賢祠碑詩後并叙

山陽劉君信嘉金壇于君烜令岑溪有善政夫子清  
慎愛民出二公右岑人稱為三賢立祠奉祀以志去  
思後令李憲高為作碑紀其績禾中王君得之以寄

夫子夫子作詩有輸與他人開質庫荒城贏得幾間  
祠之句

飲水彈琴甑有塵菜蕪所得是清貧篋中併乏胡威絹寄語  
長生庫裏人

解紱歸來樂事全崇祠破屋兩依然小民爭識穹碑字一字  
期公壽一年

至日書懷

律灰動處歲將闌穩卧鄉園病抱寬南雁預呼千片雪北風

又作一番寒紅壚綠酒貧能具翠篠黃梅靜耐看節物天涯  
何所似關心書疏隔雲端

冬夜聞琴

長宵萬籟靜寒聲疇撫冰絃一再行幽澗無人泉自寫空山  
有月鶴初鳴彈徐忽轉悠揚調聽久真移寂寞情茶冷香殘  
餘韻繞冷然還使夢魂清

寒牕遣興二首

羣說利名好其如卧似弓無心居道北有分隱墻東酒熟思

看雪梅開不畏風推牕鎮相對直欲放愁空  
二豎何煩遣拚成耐久交忍窮增意氣養拙謝譏嘲藥盡童  
慵貫詩成婢愛抄此身真自笑結習未全拋

歲除書懷示黼堂

冷倚牀觚對早梅蕭齋懶復掃塵埃驕人祇有安眠福顧我  
原非佚足才朔雪南雲勞遠夢吟逋酒債笑頻催相看三十  
來朝是不賣癡頑更買駸  
覘眼雙輪掉尾蛇今宵漏鼓且停撾多情病不隨年去徹骨



貧偏與歲加樸火銷寒堆品字蠟燈映醉吐圓花論心較勝  
蘇和仲不比岐陽苦憶家

和潛山先生正月三日觀潮元韻

改歲猶棲避債臺羨公能作勝遊來先窮眼界觀滄海未觸  
吟情問早梅濤走千重鰲有背天空一氣蚤無胎何殊三五  
秋中候望裏枚乘筆勢開

正月十日喜雪距立春兩日

早入新正減寒雲凝遠空所忻麥日雪猶應臘時豐問雨紛

急非花旋融一番霑霰處敢厭昨年同上年正月兩雪不止者月餘

曉牕對雪懷潛山先生

新年猶未轉春華際曉開簾峭冷加幾點疎梅仙照水一宵  
急雪蟹爬沙排籤指直慵拈管熾炭壚深亟煮茶或恐幽人  
乘興至投詩重索和尖义前年臘月大雪先生首和北臺詩韻邀諸人同作

小牕

小牕面北十分寒放下重簾雪懶看聽得兒童傳好語梅花  
開到竹闌干

題禾中曹古香種水圖四首

放跡黃塵十載強  
買田陽羨願難償  
輸君結屋菰芦裏  
管領銀鷗雪鷺鄉

分明松雪水村圖  
更把風流擬石湖  
種罷魚蝦種菱藕  
打門無吏夜催租

寬閒好景有誰爭  
樹裏南湖潑眼明  
買得蜻蛉不時坐  
滿牕烟雨讀書聲

何時來訪水邊居  
漫浪生涯計未踈  
肯植江陵千樹橘  
農經

禾譜尚拋除

雪夜

夜雪誤鷄鳴  
牕櫺虛白生  
燈寒光不動  
竹折韻偏清  
聊和梁園句  
空懷剡水行  
堆鹽知幾許  
凝聽轉無聲

東海半人詩鈔卷八

近體詩四

海寧 鍾大源 晴初

論詩六十首并叙

松霭夫子以論詩四十首見示持議精確突過遺山  
阮亭謏陋如源似可無贅第一得之愚輒思自炫爰  
遵無言不酬之義率成絕句六十首以就評駁得不  
笑為卮言醉語否

支離病骨好吟哦雅鄭淵源識未多偶  
就令  
心杼管見恐勞

大雅費譏訶

三百流傳孰嗣音纏綿悱惻楚騷心後來最有枚乘筆十九篇中古味深

昂：駒與水中鳧慷慨歌風源厥初五字河梁傳錄別漢京

蘇李果何如

鄴下風流銅雀臺老奸橫梁有雄才紛：賓客佳公子疇敵當歌對酒來

典午詩人孰擅名柴桑不礙賦閒情自題甲子歸來後琴趣

非關弦上聲

懷抱全憑寄托真嗣宗青白眼看人勝他浪作曹唐備愛賦遊仙郭景純

鏤金錯彩顏光祿初日芙蓉謝客兒各有天姿不相借但逢佳處總吾師

紅藥翻階語最新後來相襲厭陳：驚才不媿休文語二百年來無此人

參軍開府盛詞章清省陰何亦擅場一

自注

臺傳孝穆大家

摘艷更熏香

射洪風骨本雄奇沈宋何堪與並馳  
琴擲宣和聲價長爭傳  
三十八篇詩

詩不求名輒易工酸鹹味在有無中  
辨香合拜維摩詰骨秀  
神恬韋柳同

太祝田園多雜興襄陽山水有清音  
宣城彭澤風流香讓與  
前賢得力深

歌行壯浪數嘉州足與高常侍匹儔  
餘技偶然工鍊字羣稱

燃夢搗鄉愁

咳吐成珠落九天詩仙曾是酒中仙  
沈香亭北春風句不得  
妃憐得帝憐

千古憐才感鄭公一生困阨杜陵翁  
甲兵那得天河洗拜罷  
啼鵑恨不窮

隨州七字亦名家公緒偏師漫自誇  
一曲湘靈十才子就中  
賓客最稱嘉

休將元相匹香山汝士狂名亦等閒  
按拍歌新樂府直須

位置草堂間

酬唱松陵陸與皮  
嗽名畢竟是天隨  
山中溪上傳新詠  
誰悟碣磳沃詞

崛起昌黎壓衆長  
元和聖德賴鋪張  
豈知才大心逾小  
低首酸寒孟武康

古錦囊中句自工  
樊川一序盛推崇  
狂言滿座驚紅粉  
何似嘔心賦惱公

丁卯橋邊格調高  
桐溪虛谷苦吹毛  
醉心獨向長江薄  
少監

猶居鄒與曹

成紀星郎獮祭魚  
方城手敏八叉餘  
溫柔鄉語嫌居半  
口業紛：未懺除

論詩表聖別淄澠  
播影棋聲洵足稱  
唐末兩公最忠愛  
冬郎受侮是和凝

西崑格調宋初彈  
謔語曾聞至寶丹  
好是廬陵能拔俗  
文章詩派俱宗韓

長史都官號上乘  
歐陽門下乍傳燈  
清雄自是滄浪擅幽峭

還當遜宛陵

時名兩宋比珠雙三影吟成意忽降自詠落花傳作少竟同  
楓葉冷吳江

眉陽才大若江湖滄海橫流果是無寧必中央添砥柱狂瀾  
不障亦東趨

擁被尋章且閉關得來妙句不容刪分明飯顆功臣在輕薄  
遺山笑後山

名彥蘇門聚一時宛邱律體少游詞味無味處原多味雞肋

還思晁補之

居仁圖派號江西詩印涪皤手自提誦處不須求甚解扶持  
軟弱力難齊

茶山詩羨渭南過六十年間萬首多一任竹垞嫌太熟居然  
才大接東坡

字江詩老有揚蕭文節芳名久益標欲問千岩舊時句可憐  
知者已寥寥

浮薄江湖體不高四靈追琢亦難豪偶逢佳句却心許也似

麻姑癢處搔

石屏下筆少詩書劉後村嫌俗未除幸是歌行盤硬語季蕃  
菊礪轉難如

金源猶踵宋餘風不祖西江語未公吳蔡宇文分樹幟楚材  
晉用一時雄

絮弱粗庸兩不宜此中端合辨純疵湯臣空笑秦淮海破却  
工夫得惡詩

大手羣推野史亭蔡州落日舊山青愁心何異江南賦爾許

○ ○ ○ ○  
淒涼不忍聽

書畫兼工松雪齋詩專凝鍊亦稱佳何如東海奚元朗性潔  
行迂有好懷

范揭虞楊噪盛名拂衣曼碩亦崢嶸盧前王後原無忤肯受  
簪花美女評

船空載得月歸去蓬破偷將天入來何翅竹生床下葉競將  
險恠侈心裁

廉夫搖筆興非凡醉倒鞵杯墨漬衫碧眼補兒初署罷幾多



花鳥換新街

一篇二鬼恣冥搜  
高唱曾推誠意劉  
遍讀槎軒裏  
句青田

還合讓青丘  
雕績終須見性真  
自來清麗兩相因  
三楊而後殊卑靡  
調笑翻勞爨弄人

別開生面是西涯  
老鶴秋空廢衆譁  
爾後空同能崛起  
騷壇旗鼓不爭差

七子先稱李與何  
真能一力挽頽波  
麤豪俊逸誰人語  
君采

褒譏半是頗

廸功雅望蔚江南  
奴僕松圓力儘堪  
賸有蘇門高子業  
不妨分道駕驂驛

蜀國升菴滯夜郎  
才人淪謫古來傷  
日歸未得年華晚  
錦字閨中枉寄將

白雪名高和者稀  
學唐貌是惜神非  
交情隙末尤堪歎  
零落中州謝布衣

皇甫清才壓建安  
一門羣屐富詞瀾  
滄溟旦誠茫昧不作

扶風竇氏看

竟陵豈竟不能詩矯枉多偏轉失之風雅但須循正格過猶不及要深思

卧子風裁悵已遙延陵祭酒故神超驚人更是圓曲未許詞流妄續貂

安雅愚山當代英一為感激一和平縱然風氣分南北同是雲山韶濩聲

彭朱詩律共清嚴博雅無如醜舫魚片語未曾由已出祇驅

萬卷入毫尖

琅琊秋柳擅風神試手能扶大雅輪更有西樵忘不得曾將寶筏渡迷津

宦情水淡樂田廬詩到克峰秀有餘縱是宋人吾亦愛微辭不信沈尚書

西堂年少氣凌雲百闋新聲 禁苑聞晚學香山太平易街談里語互紛紜

臣本烟波一釣徒查田才調陸魚蘇當時瑜亮稱吾里猶記

龍山日觀無

九袞詩仙後學宗祖唐祧宋離凡庸  
宸章許冠平生集突  
過青神身後逢

西泠十子有遺芳邁越前人厲與杭  
鼎足更聞桑水部而今  
誰是魯靈光

不冀成家不冀傳生涯冷淡送年  
名賢賞識真慚愧併到  
柴烟糞火邊

題許笠吟祖姑文采菊圖二首

松聲謾、晚芳滋最好科頭箕踞時  
花以蕭疎娛寂靜人緣  
恬淡共風姿一樽懶把柴桑酒  
七字應膺魏國詩我欲重來  
謁元度先從圖畫認東籬

壽客名佳意最投知勝鄜縣谷中遊  
掃空俗艷惟存瘦釀得  
寒香不畏秋疊石疏泉工拚映餐  
英艷蕊足風流麤才杜牧  
真堪笑浪說歸來插滿頭

第七句  
用蘇詩

和潛山先生安瀾園探梅元韻

不踏名園路關心幾樹梅  
臘前應未放年後定齊開  
冷雀殷

勤啁暄風次第催何因携碧釀同作勝遊回  
一笑庭花圻無勞予行隔烟香自淡無月色偏明對我有  
仙意伴渠宜鶴聲吟翁果相賞好趁雪初晴

題俞石菡匡山詩後

憶收萍跡卧鄉闕夢繞橫峯側嶺間瀑布聲中吟傑句輸君  
真個到廬山

歐九欲摹太白作長公曾笑徐凝詩從來地勝才宜勝落紙  
淋漓幾費思

和雨軒叔父庭梅試花元韻

梅為叔父手植  
閱八年始花

手移芳樹伴烟霞八度東風一試花俗李麤蕪漫相笑不爭  
先是耐寒葩

似解題詩歲々催暗香相送不遲徊一桮忽傍竹梢見碧色  
小禽飛去來

春日幽居漫成

睡起常逢暖日斜猶留殘夢繞烟霞養心愛帶三分病娛目  
思栽百種花壁塵久閒無客至簷巢乍補有禽譁清音例足

砭煩俗不獨鴛黃隱士誇

苔痕艸色漸侵階一桁簾波據几佳吟境勝時疑越絕俗聞  
新處類齊諧膠之援之防違性兀之騰之果稱懷併謝南鄰  
狂酒伴尋芳邀試筍皮鞵

仲春連雨

靜卧每不憚濃春易遣愁爭禁連日雨恍作十分秋柳眯窺  
人眼花垂着地頭匆之寒食近猶自戀茸裘

未必天成漏如傾復似篩階泉跳白小簾桁坐黃鸝西日偶

相照東風尚作期因書丙丁帖霽色驗干支

金雀花

佳卉翩之見亦稀是花如雀影依微綠苞嫩折鶯兒紫黃瓣  
輕分鳳子衣雨榭幾曾謀食噪風簾渾欲傍人飛翻嫌謝豹  
花相並色染珊瑚覺艷肥

偶感

嘯歌豈為病貧妨曲局形骸意慨慷擬就赤松求辟穀肯隨  
元叔歎空囊浼來人孰能相浼狂得誰禁不放狂蝸角牛毛

真細事儘教婦稚鬥紛忙

近來

半簾花影一牀書清夢初回意自如懶到近來真出格六時  
都半付華胥

立夏即事

新綠成圍密雨遮堂、芳事又天涯越梅齧齒含桃膩且喫  
吳儂自在茶

讀鐵崖竹枝擬作五首

湖上年、烟景多畫橈綉轂日經過銷金鍋子翻新曲不記  
花開緩、歌

十五女兒紅杏顛春衫淺碧越羅裁憑將一味淡粧束鬥取  
湖心西子來

昨日逢郎第六橋瓜皮船子坐吹簫垂楊不繫即船住空舞  
東風萬、條

龍井山邊是妾家庭前開遍合歡花勸郎莫飲蕭娘酒阿儂  
新焙雨前茶

裏湖外湖如鏡平南高北高看雲生雲濃易散似郎意水流  
不盡似儂情。

藕絲燈十二韻

西冷梵宇多竒蹟端羨龍華舊製超織錦記成燈巧樣抽絲  
疑擘藕新條技通智慧雙林傳物擅真空六代代伐蕭簷葡萄香中  
輝演漾蓮花界裏影迢迢薄於蜩翼輕於紙軟似堯羅潔似  
綃共訝中邊皆洞達尤忻色相並光昭懸來或恐諸真現照  
處俄令衆妄消寶炬珠輪竒莫及星眉月面妙誰料蛭脂靜蕪

談空候鶴微籠入定宵太綽約憑雲蓋護最玲瓏帶翠旂  
飄何緣椎板同遺失却使鐘魚共寂寥憶得蔡條曾辨謬傳  
觀猶及政和朝

書齋偶興

晝長鳥雀語雙：枕手消搖對碧牕濃蔭蒙茸開鼠耳新聲  
篤速舞雞腔硯凹墨潤吟情動甌面茶甘睡思降閒暇者般  
誰與共翻思空谷足音足

午間潛山先生過訪門者辭焉賦此呈和用致歉懷

茶香飯罷寂寥滋  
兔日陰濃卓午時  
堪笑應門煞風景  
高軒過我不教知

心期握麈破閒眠  
倒屣無能悵望偏  
好是藥欄花照眼  
重來合和艸堂篇

喜雨

割盡黃雲藝稻田  
鴉嘶蛇蛻萬車連  
天將梅雨成膏雨  
人說今年是稔年  
堆案琴書應潤澤  
繞堦艸樹益葱芊  
名亭豈必坡翁似  
也伴村農喜欲顛

聞日來潮勢甚張  
水及脩塘潛山先生有觀潮之作次

韻

濤勢先秋聽每微  
前胥後種忽揚威  
雨催素蜺橫空捲  
風挾銀山拍岸飛  
雁齒椿疎成岌兀  
魚鱗石泐減因依  
綢繆早作澄瀾障  
曲突從知計未非

時修築塘工

寄許琴泉蜀中時在重慶郡丞陳公幕

不見許詢久書來  
說浪游經年住章水  
九月客渝州  
樹叫巴猿夕雲迷  
犵鳥秋五千鄉國路  
歸夢更悠々



淮陰侯

年少登壇秉節幢羣驚國士果無雙封王躡履思原假得鳥  
藏弓事足懽一飯豈知關赤帝九原應悔襲烏江誰歟辟穀  
飄然去論古今人意欲降

夏夜即事

樹影圓浮地蟾光直到牀庚時困炎鬱子夜較清涼蠟燭虛  
簷掠芙蓉暗沼香藤輪容小凭漸到黑甜鄉

接兩大人書驚知聲雷四弟病亡揮淚賦此

忍憶聯裾至樂存齧時秀徹勝諸昆愛談扇枕温衾事解篤

推梨讓棗恩永畫縑書同佐廨十年隨宦共章門最憐小別

分南北竟作桓山鳥斷痕

丙午秋余別弟於豫章舟次  
次年夏弟侍家君由江北上

形影睽違詎豈踈侍歡正羨抵歸與久拚吾病應先弟不分

兄存轉哭渠積善難憑殊莫解慧才遽折足長歎鍾情老淚

行：清腸斷椿萱一紙書

惡耗傳來不願真瀕危歐血事酸辛枉勞聽雨懷千里怕說  
登高少一人厄閨傷心逢乙巳弟以閏四月十一日卒降年薄命是康

寅年止二 敢期張纘為郎遇豎子膏肓太不仁  
一度重看一涕洟勸餐舊札篋中遺依親依叔生前福無婦  
無兒死後悲志在顯揚天似斬習非紉綺俗空疑同懷緣汝  
愁俱劇漠、歸魂合有知

消夏雜詩四首

萬蟬聲裏少來蹤養就頑軀一味慵攤飯高眠壬癸席看雲  
更當看竒峰

午張赤翅畏翔鳥碧蔭無風樹、俱驀地微涼生四壁夏山

欲雨展橫圖

巾上易乾平叔汗扇邊難染庾塵此心得似寒冰未笑問蒙  
莊內熱人

日課無多儘晏如茶瓜沁齒睡回初驅蠅拔劍非吾事半脫  
蕉衫讀道書

三十初度述懷用陳柳堂見祝原韻

壯不如人矣翻思婉褻曩賢癡同王掾擅貧與阮修傳幾羨團  
蒲坐惟安曲尺眠哦詩狂號壘壑紙笑成田傲兀生初性昂

藏聳後肩甘居顏氏巷怕辱柳州泉散木宜徵壽幽花不取  
妍跌蹉逾弱冠珍重荷長牋才溢文犀篔先生翠蟻筵菜誠  
忻綵舞蘇亦喜林連賴此融怡樂如增沆瀣川支離拌歲  
半士有成篇

新秋驟涼

本來病骨易知秋一雨還驚暑旋收翠簟侵肌寒滑澆素紉  
入手淡綢繆儘教蟬咽清如訴却喜蠅營巧欲休卧讀殘書  
風箔底竹梧搖影轉清幽

潛山先生及令似石菡和驟涼詩至適秋暑復盛用前

韻索和

棕鞵桐帽謂宜秋炎鬱爭知半未收踈雨惺忪聲忽斷竒雲  
峰岼影相繆松陰小榻閒重掃竹外圓亭靜一休脚踏層冰  
何所取居然心境兩能幽

和潛山先生夜坐即景再疊前韻

三庚餘熾尚連秋汗清纖絺夜漸收照字螢穿簾悄々絡絲  
蟲織草繆々銀潢迢遞雙星隔珠斗闌干衆籟休輸與玉吾

清不寐吟懷欲比倚樓幽

七夕

絡角秋河影澹搖微茫誰辨鵲成橋仙家怨別偏逾歲閏四年  
月天下相思半此宵珠露欲沾瓜果濕羅雲應護珮環飄多情最是星郎句吟到香殘燭蕊消

七夕後一夜用前韻

良期回首夢魂搖碧漢何曾石作槁無恨月如看昨夜有情  
天亦怨今宵合將錦字纏綿寄對蛛絲斷續飄三十六旬勞

更數離愁知得幾分消

漫興二首

藥裹拋殘靜據梧鷗同閒更鶴同癯難求温飽應名士慣閱  
炎涼是病軀忤俗未妨詩骯髒放狂寧必醉模糊年華轂轉

真慵問多事王郎擊唾壺

人笑無才自笑頑雞蟲得失了無関求名富貴神仙外得意  
琴書翰墨間足可安居銘陋室何殊小隱買青山愛眠并謝  
雲房枕夢裏塵囂亦久刪

三十初度蒙松霽夫子贈詩謹次元韻

天教高枕笑浮名曰壯年華痼疾并息憲已隨灌園子抗懷  
非復棄繻生詩書陶冶原真味泉石平章亦異榮馬齒增同  
羊胛熟開眉直合醉千觥

更喜家庭樂境陳油然鄒國重天倫儘教階下生枯樹渾似  
牀頭曲局身歲月閒來應屬我甲辰雄處分輸人禹鈞佳話  
相期待慙荷驪珠兩串新

中秋夜雨

節逢三五愛晴光銀竹誰教響暗廊萬里有人同盼待今宵  
無月太蒼涼綠醞強引曹騰醉黃雪爭飄狼藉香轉惹秋懷  
消不得挑燈起數漏聲長

奉懷江右程雲岩夫子

時任蜀中  
內江令

曲江宴後幾經年依舊頭啣領散仙馬帳近辭高士郡王鳧  
新駐錦官天風清有鳥鳴棠樹政簡無人訟芋田翹首師門  
更睽阻尋思立雪每殷然

聞雁悼聲雷弟

忽地寒聲送飛鴻度片雲閔山莽迢遞憐爾未離羣殘夢燈  
初炮清愁酒半醺鵲鴿沙外斷淒絕不堪聞

奉和盧學士抱經先生重赴采芹之作

岡頭世澤重衆區學士名儕宋大蘇瑞國聲華雲五色動  
人詞藻賦三都風清持節薰陶廣樂擅懸車禮數殊新為泮  
林增盛事重遊佳話遍枌榆

清望叨聆祖訓傳登龍素願轉殷拳却詵桂窟騰芳早戊公登

北榜曾祖梧村公由庶常出宰亦於是科領鄉薦疏傳經帷倬直聯祖父芬齋公官閣學與學士同

直內廷鶴算疇能量亥字鵬程公尚憶丁年從知再預含苑宴  
共仰文星近日邊

接兩大人書

正憶循陔束皙詩赤號遙達鵲先知展來入手匆讀摺後  
關心脉脉思雪案瑩囊勤望弟吟丸藥裏病憐兒逐貧無計  
真同笑不分多情處隨

冬夜即事

三杯輒脚酒微中穩擁青綾類蟄蟲寒月滿牕清潑水夜潮

一枕遠蕪風撥殘楮拙爐餘燼轉罷  
隄麋硯欲凍但合酣  
勻鼻息有懷迢遞夢能通

冬夜閱三餘弟詩卷率題

寄我雙魚每附詩阿連才調辱心知  
展當雪霽風清候讀向  
燈紅酒綠時祇覺盈篇皆入妙敢云一字可稱師  
恒山太守  
工題品從此無煩羨左思

正定邱鐵香太守極賞弟詩并為作序

一、於此處風林... 新在... 廣... 但... 合...

身... 有... 懷... 隨... 隨...

冬夜聞三... 餘... 詩... 卷... 題...

寄... 雙... 春... 別... 詩... 阿... 連... 才... 詞... 序... 心... 知... 展... 書... 雪... 霰... 風... 瑯... 瑯... 使... 請... 詞...

燈... 紅... 通... 綠... 時... 秋... 覺... 風... 蕭... 昏... 入... 妙... 故... 云... 一... 字... 可... 換... 脚... 恒... 山... 大... 字...

五... 題... 送... 地... 無... 烟... 美... 在... 卷... 五... 題... 詩... 井... 高... 作... 序...



